

Bosna i Hercegovina
Federacija Bosne i Hercegovine
Tuzlanski kanton
Grad Tuzla



**Služba za kulturu, sport, mlade i
socijalnu zaštitu**

Broj: 17-11-A- 6656/2021
Tuzla, 11.05.2021. godine

Na osnovu člana 4. Pravilnika o kriterijima i postupku raspodjele sredstava za finansiranje/sufinansiranje kulturnih i sportskih manifestacija („Službeni glasnik Grada Tuzla“, broj: 1/19,1/20) i Programa utroška sredstava iz Budžeta Grada Tuzla za 2021. godinu sa pozicija Grantovi za kulturne manifestacije i Grantovi za sportske manifestacije, broj: 17-234/21 od 04.05.2021. godine, Služba za kulturu, sport, mlade i socijalnu zaštitu Grada Tuzla, dana 11.05.2021. godine, objavljuje:

JAVNI POZIV
za finansiranje/sufinansiranje kulturnih i sportskih manifestacija

I Predmet javnog poziva

Predmet javnog poziva je dodjela sredstava za finansiranje/sufinansiranje kulturnih i sportskih manifestacija. U Budžetu Grada Tuzla za 2021. godinu, obezbjeđena su sredstva za podršku manifestacijama koje realiziraju neprofitne organizacije, pozicionirana kao:

- „Grantovi za kulturne manifestacije“ u iznosu od 70.000,00 KM i
- „Grantovi za sportske manifestacije“ u iznosu od 70.000,00 KM.

Prioritetne oblasti i manifestacije predviđene za finansiranje/sufinansiranje su:

- književne, pozorišne, muzičko-scenske i plesne manifestacije,
- promocije knjiga i časopisa iz oblasti kulture, nauke, sporta i drugih društvenih djelatnosti,
- koncerti i festivali,
- izložbe slika i fotografija,
- manifestacije filmske i audio-vizuelne umjetnosti,
- vjersko-kulturne manifestacije,
- manifestacije koje doprinose očuvanju kulturno-historijskog i prirodnog naslijeđa,
- manifestacije kulturno-umjetničkog amaterizma,
- manifestacije koje promovisu urbanu kulturu mladih,
- manifestacije koje afirmišu kulturu i tradiciju Tuzle,
- manifestacije koje podstiču međunarodnu i međugradsku kulturnu i sportsku saradnju,
- sportska takmičenja osnovnih i srednjih škola,
- manifestacije koje podstiču afirmaciju i razvoj sporta,
- sportska domaća i međunarodna takmičenja koja se realizuju u gradu Tuzli,
- međunarodne kulturne i sportske manifestacije i takmičenja koja će promovisati grad Tuzlu u zemlji i inostranstvu,
- druge manifestacije iz oblasti društvenih djelatnosti.

II Pravo učešća

Pravo na dodjelu finansijskih sredstava po ovom javnom pozivu mogu ostvariti neprofitne organizacije, sa područja grada Tuzle, koje ispunjavaju sljedeće uslove:

- a. da su osnovani i registrovani u Bosni i Hercegovini,
- b. da su vođeni od strane državljanina Bosne i Hercegovine,
- c. da ne obavljaju aktivnosti u ime političkih partija,

- d. da manifestacije realizuju na području grada Tuzle (u izuzetnom slučaju mogu se finansirati/sufinansirati manifestacije koje se realizuju izvan područja grada Tuzle ukoliko te manifestacije doprinose promociji grada).

Sredstva se mogu dodijeliti i aplikantima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je implementacija manifestacije od interesa za Grad Tuzlu, što će se cijeliti u svakom konkretnom slučaju.

III - Prijavna dokumentacija

Prijave na javni poziv podnose se na propisanim prijavnim obrascima (prijavni obrazac za kulturne manifestacije ili prijavni obrazac za sportske manifestacije) koji se mogu preuzeti na zvaničnoj internet stranici Grada Tuzla (grad.tuzla.ba).

Prilikom apliciranja na javni poziv za finansiranje/sufinansiranje manifestacija aplikanti su obavezni dostaviti sljedeće:

1. Prijavni obrazac (ovjeren pečatom neprofitne organizacije i potpisan od strane ovlaštenog lica), koji mora biti popunjen sljedećim podacima:
 - a. naziv i opis manifestacije,
 - b. naziv nosioca manifestacije,
 - c. ciljevi manifestacije, aktivnosti i očekivani rezultati,
 - d. ciljne grupe,
 - e. značaj manifestacije za lokalnu zajednicu i
 - f. opisni izvještaj o realiziranim manifestacijama za prethodne 4 godine (navesti ukoliko je manifestacija sa kojom se aplikant prijavljuje tradicionalna te je već finansirana od strane Grada Tuzle);
2. Detaljno razrađen finansijski plan za realizaciju manifestacije ovjeren pečatom neprofitne organizacije i potpisan od strane ovlaštenog lica, (pregled budžeta manifestacije i plan potrošnje sa specifikacijom troškova potrebnih sredstava) – koristiti propisani obrazac za budžet;
3. Fotokopiju lične karte ili uvjerenje o državljanstvu za odgovornu osobu upisanu u sudski registar;
4. Podatke o stručnosti osoba koje realizuju i učestvuju u manifestaciji (kraći CV);
5. Rješenje o registraciji;
6. Identifikacioni broj;
7. Uvjerenje o izmirenim obavezama prema javnim prihodima (original ili ovjerena kopija iz Poreske uprave, ne starije od 30 dana od dana podnošenja zahtjeva);
8. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha), osim ako je udruženje registrovano u godini objavljivanja Javnog poziva i
9. Zvaničan dokument banke o otvaranju transakcijskog računa aplikanta.

Aplikant uz prijavu dostavlja fotokopiju tražene dokumentacije (osim Uvjerenja iz tačke 7. koje se dostavlja u originalu ili ovjereoju kopiji) a originalni dokumenti bit će zatraženi na uvid ukoliko manifestacija bude odobrena.

Nepotpuna dokumentacija neće se uzeti u razmatranje kao ni prijave koje ne zadovoljavaju bilo koji od ispod navedenih kriterija:

- a. aplikanti koji nisu izvršili svoje obaveze po ranije doznačenim (odobrenim) finansijskim sredstvima Grada Tuzle,
- b. prijave u kojima je predviđeni dio administrativnih i uredskih troškova i troškova osoblja veći od 20% u odnosu na ukupan budžet manifestacije,
- c. manifestacije koje su usmjerene prema političkim aktivnostima,
- d. manifestacije koje su namjenjene za isključivu dobit pojedinca,
- e. aplikanti koji ne izmiruju obaveze prema javnim prihodima,
- f. manifestacije koje nisu u skladu sa članom 3. Pravilnika, odnosno prioritnim oblastima iz tačke 1 ovog Javnog poziva.

Prijave za manifestacije koje su već finansirane/sufinansirane u toku iste budžetske godine, kao ni prijave za manifestacije koje su koncipirane kao podaktivnosti već finansiranih/sufinansiranih manifestacija neće biti uzete u razmatranje. Aplikanti čije manifestacije budu ocijenjene sa manje od 35 bodova nemaju pravo ponovo aplicirati sa istom manifestacijom u toku budžetske godine.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i postupku raspodjele sredstava za finansiranje/sufinansiranje kulturnih i sportskih manifestacija („Službeni glasnik Grada Tuzla“, broj: 1/19, 1/20).

V - Mjesto i rok dostave prijava na javni poziv

Prijave na javni poziv sa pratećom dokumentacijom aplikanti dostavljaju u zatvorenoj kovrti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla
„JAVNI POZIV
za finansiranje/sufinansiranje kulturnih i sportskih manifestacija
- Ne otvarati“

Javni poziv je otvoren do utroška finansijskih sredstava predviđenih u Budžetu Grada Tuzla, sa pozicija „Grantovi za kulturne manifestacije“ i „Grantovi za sportske manifestacije“.

VI - Rokovi i način objavljivanja rezultata

Sa aplikantima koji zadovoljavaju uslove propisane Javnim pozivom nadležna Služba zaključit će ugovor kojim će se regulisati međusobna prava i obaveze u pogledu dodjele i načina korištenja sredstava na ime finansiranja/sufinansiranja predložene manifestacije. Aplikanti koji ne ispunjavaju kriterije pismeno će se obavijestiti o razlozima zbog kojih manifestacija nije finansirana/sufinansirana iz Budžeta Grada Tuzle.

Informativni sastanak za sve zainteresovane aplikante održat će se na *Danu otvorenih vrata*, u utorak, 18.05.2021. godine, u 12:00 sati u prostorijama Ateljea „Ismet Mujezinović“. Potencijalni aplikanti će tokom sastanka biti detaljnije upoznati sa načinom prijavljivanja, popunjavanja prijavnih obrazaca, kriterijima i ostalim pitanjima značajnim za pravilno apliciranje i učešće na Javnom pozivu.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle, direktno ili putem telefona: 035 307-327, 307-317 i 307-415, te slanjem pitanja na e-mail adresu: asja@tuzla.ba, sa naznakom „Za Javni poziv“.

NAPOMENA: Prilikom planiranja manifestacija aplikanti su obavezni uzeti u obzir mjere i preporuke nadležnih institucija izdate u cilju zaštite od širenja koronavirusa (COVID-19) i odgovorni su za primjenu mjera i preporuka koje budu na snazi u vrijeme realizacije manifestacije, ukoliko ista bude odobrena.

**SLUŽBA ZA KULTURU, SPORT,
MLADE I SOCIJALNU ZAŠTITU**